

Abogadonan Mohamed y De Sousa no ta abogado mas di Beth Twitty

ORANJESTAD (AAN): Informacion cu DIARIO a obtene ta cu abogado Mohamed y de Sousa no ta representa mama di Natalee Holloway mas.

Manera ta conoci, recientemente Beth Twitty a acerca oficina di Helen Lejuez, pa haya un otro bista

riba e caso, unda cu e lo por yuda tambe, mirando e cantidad di aña di experiencia cu e tin den casonan penal.

Abogadonan Peter Mohamed y Vinda de Sousa tabata representa tanto Beth Twitty, como tambe Dave Holloway, sinembargo despues cu e abogadonan y famia di

Natalee Holloway a sinta hunto, nan a dicidi cu lo ta mas eficiente si e oficina di abogadonan Mohamed y de Sousa representa Dave Holloway, mientras cu oficina di Helen Lejuez lo representa Beth Twitty.

DIARIO a puntra abogado Mohamed si ta pa motibo di

cualquier problema, e decision aki a worde tuma.

E abogado a asegura nos, cu esaki no ta e caso.

Tur e partidonan tabata di acuerdo cu esaki lo ta mihor pa tur hende, en especial mirando cu ambos oficina tin hopi otro caso tambe, pa atende cune.